

皇
清
經
解

金

清

經

解

皇清經解卷九十六

學海堂

仲氏易

蕭山毛檢討

奇齋

著

䷊

乾下坤上

聚卦

三陽三陰

此周易聚卦之首以乾坤禪而爲否泰否泰者分聚之樞要也故移易者自一陰一陽至五陰五陽止而此以陰陽中分定爲聚卦之首觀者詳之

泰小往大來吉亨

彖曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也

此聚卦也夫猶是天地設位乾坤成列之卦而必天與地並設乾與坤同列然後往來之象見焉故曰獨不見往來乎否

泰是也往者自內而達之外也來者自外而達之內也小大者陰陽也小者陰大者陽也夫陽本在上陰本在下而今顧反之何與曰所謂交也交則上者有時而下下者有時而上內外亦然夫內卽下也外卽上也下陽上陰卽內陽外陰故陽爲健爲君子陰爲順爲小人健與君子則嘗欲其居于內順與小人則嘗欲其居于外而以交言之則內健而往往則仍外外順而來來則復內似乎君子小人迭爲消長內外往來本無一定而在此時則不然君子也內也道長也小人也外也道消也故曰泰也

內外以卦言
往來以爻言

象曰天地交泰后以財

九家易作
裁義同

成天地之道輔相天地之宜

以左右民

示此十六

學前堂

初九拔茅茹以其彙句征吉象曰拔茅征吉志在外也郭璞洞林以其

彙句鄭註以彙征句謂引類而仕之

三陽與三陰為交故三陽連類以進而陰即翩翩以應之如

茅茹然蓋卦有互兌即倒巽也巽為茅見諸家易雖互在二四與

初無涉而茅根為茹虞翻曰茹根也根必下生茅在二則根在初矣

拔茅者以其根進賢者以其類彙類也二三之征自有連初

陽而並彙者不其吉乎彖曰土下交而其志同蓋陰陽上下

亦各有志今初征之彙亦曰其志在外耳惟陽志在外故陰

志在內一曰中心願一曰中以行願蓋同之也

九二包荒鄭本讀康虛也用馮河不遐遺朋亡得尚于中行象曰包荒

得尚于中行以光大也

九二爲卦主合三陽而居三乾之中則儼一天矣夫三坤地

也地曰荒猶四方之稱四荒也而二能以廣大之量包之上

卦居坎位四五六卽陰陽陰陰坎位也純陰陽則位象見說見乾卦河也二身居互兌之

初亦河也乃乾健之德足以馮之然且遠邇同觀中外一體

三陰雖退而不遺其志有在三陽並征而非比朋黨盡消其

得乎剛中進乎行健爲何如者此无他身居離位一二三卽離位也說

見前則高而倍明而旁有兼陽則光且益大也

九三无平不陂无往不復艱貞无咎勿恤其孚于食有福象曰

无往不復天地際也

夫以三陽之終交三陰之始此正往來之機消息之會若所

稱天地際者如概言其理則天下無有平而不陂往而不復

者平陂以上下言而君子于此則一以人事持之修盈保大

艱而能貞有何咎乎縱或其志在外將與陰交如六四之以

孚卽其孚也而任其自然勿以爲慮則雖飲食之間亦且獲

泰交之福所謂寢食俱安也故曰保泰者持滿之道也兌口

爲食離合爲孚

離坎俱有孚象三爻居離位之上故云
楊廷秀曰勿謂時平其險將萌勿謂陰往其復

反掌

六四翩翩

陸德明本
作篇篇

不富以其隣不戒以孚象曰翩翩不富皆

失實也不戒以孚中心願也

夫四之翩翩而來者以交陽也第陰能廣生則必先有資于

陽而後孚之以其心今四居互巽之倒是巽近市利而四則

反之况位當坤首坤亦吝嗇雖欲富其隣而莫之以也且四

之欲孚陽也當有戒矣信以心必信以言而四居互巽之倒是巽爲命令而四則反之况位當兌口兌盡則口脫雖欲孚以言而亦莫之以也然富可不以而孚則必以是何故蓋富之不以則以似巽而實非巽故似富而實非富失其實也若夫孚則中心願之信雖在言而願之在心夫在心而有不能以之也乎雖不戒猶能以之所爲上下交而志同如此

六五帝乙歸妹以祉元吉象曰以祉元吉中以行願也

乃交之至五而爲婚姻夫五與二應固也五爲陰而二爲陽以陰從陽不待言也何也中心願也乃二四同功爲互兌三五同功爲互震震爲長子兌爲少女震爲兄兌爲妹合震之與兌而歸妹之象成焉所爲雷澤歸妹是也夫當紂之時帝

乙為尊

殷王帝乙紂之父也易直引之如高宗箕子頌亦是易例

故春秋傳曰微子者帝

乙之元子也

左傳哀九年晉救宋伐鄭陽虎卜之遇泰之需日宋方吉不可與也微子啟者帝乙之元子也

宋鄭甥舅也

祖祿也若帝乙之元子歸妹而有吉祿我安得

吉焉乃止

荀爽傳對策易曰帝乙歸妹婦人謂嫁曰歸言

湯以娶禮歸其妹于諸侯也此據乾鑿度云易之帝乙為成湯書之帝乙六世王同名不害以明功又曰湯以乙生嫁妹

本天地正夫婦諸語但史稱湯為天乙稱紂父為帝乙此據

左傳微子為紂乙元子則正指紂父故虞翻曰震為帝坤為

乙帝乙紂父乾鑿度以為成湯此易緯之文不足據且高宗

伐鬼方箕子明夷俱是實事此屢言歸妹則必當時原有帝

乙嫁妹一節傳偶

不載故亡之耳以帝乙之尊而歸六五之妹于九二則陰

之從陽順之從健小人之從君子皆得之矣以願而見諸行

矣既濟之受福坤五之元吉兩無愧焉

上六城復于隍

子夏傳作墉姚信作湟義同

勿用師自邑告命貞吝象曰城

復于隍其命亂也

然而泰至此而否象生焉夫城土也隍去土者也向取隍之
 土以為之城今且復傾城之土以填之隍此平之无不陂而
 往之无不復也蓋坤當外盡而坎位上形上位坎見前坤為土為
 城而坎為隍為審坤坎之合象固有之則雖坤眾水亦眾地
 水相比變而為師而亦何所用則雖坤為國邑見兌為口語前
 邑之不戒治以告命而究近于亂何則往復之幾介于俄
 頃即守之甚固猶且不免于吝何況征也保泰者視此矣


 坤下 聚卦 三陰
 乾上 三陽

否之匪人不利君子貞大往小來否之匪人言否卦卦中之小人也

彖曰否之匪人不利君子貞大往小來則是天地不交而萬物
 不通也上下不交而天下无邦也內陰而外陽內柔而外剛內

小人而外君子小人道長君子道消也

否則與泰反矣

象曰天地不交否君子以儉德避難不可榮以祿

書慎乃儉德謂以貶損爲

德也

初九拔茅茹以其彙貞吉亨象曰拔茅貞吉志在君也

夫猶是茅茹之拔而不可征也貞則有守有守則志不在彙

而在君矣互巽爲茅位在三五而其根在下故三爲茅初爲

茹與泰同

仲氏曰陽能進則志在陰陰能守則志在陽健順之理殊也

六二包承小人吉大人否亨象曰大人否亨不亂羣也

亦將用其包并之量而欲上包陽而必不可包乃徒包其承

已之小人以爲羣在小人則吉矣大人當此肯亂其羣哉不

亂故否亦不亂故亨小人都不可與作緣也諸解皆以包承作兩事則單一

包字與前後爻辭俱不通矣 朱升易註以承作胥牛牲也謂苞苴餽遺之事 來氏易註以承指初爻謂承二者即乘

承之乘亦通

六三包羞象曰包羞位不當也

包羞則凡可恥者俱容之矣朱升易註以羞為饕羞謂腥齕贈炙醢醬之屬非食品之正較

胥抑末矣 按左傳陳厲公生敬仲筮之遇觀之比有庭實旅百奉之以玉帛諸語以卦中互艮互巽艮為門庭巽為果茹乾為金玉坤為布帛俱有庭實之象與朱氏苞苴餽享諸說甚合惜承胥二字尚須更易故不從耳

九四有命无咎疇離祉象曰有命无咎志行也

此復泰之始也乾剛在上雖與下不交而大君有命常伸于下蓋艮為門闕巽為命令二四互艮三五互巽布乾剛之德以加坤衆

縱使小人茹彙不利大人而既曰有命則大人自有羣在泰

之時則朋欲其亡而在否之時則儔又欲其離祉初以彙見
志此以儔見志也

疇儔也離懼也初與四應故皆有志字王
文成答朱侍御守忠書曰疇祉盈朝志行

于衆

九五休否大人吉其亡其亡繫于苞桑象曰休否之吉位正當
也

否從此休矣休未至于傾而稍休息焉故曰前者大人否今
大人吉矣然而消長之理循環無端安危之幾間不容髮雖
或否運初開泰期將轉而國家存亡自此政未可定也故嘗
念曰其亡乎其亡乎繫于苞桑乎夫九鼎之重不懸縷絲萬
乘之絢難繫弱木今以叢生之桑而繫奔亡之轡我知其危
矣上卦位坎

見前

坎爲叢棘而五當互巽巽爲拘爲繩

見說卦故

有斯象若苞桑之喻舊稱堅厚

荀氏九家易以苞為包謂乾坤相包桑者上立下黃象乾

坤也京房曰桑有衣食人之功聖人亦有天覆地載之德故以為喻

陸績曰包木也言其堅固不亡如以異繩繫也

李鼎祚謂五二包繫根深蒂固若山之堅如地之厚

按苞為木之叢生者叢生枝細

不能繫物此正與堅厚相反

熊過曰苞桑柔柔之方苞芽者與詩苞杞同

故唐陸

贄收復河北後請罷兵狀有云邦國之杌隉縣縣連連若苞

桑綴旒幸而不殊者縷矣此亦以苞桑細弱難以維繫為解

舊過泥苞字遂認作堅厚實非義也

上九傾否先否後喜象曰否終則傾何可長也

否終則傾天下豈有長否之世哉



離下乾上


二易卦

易



二來初往

夬



二往上來

蜀才曰此本夬卦九二升上上六降二則得位得中而應乎乾矣此正推易之法之所始特蜀才祇發其端不令全著如姤初六升二九二降初亦得位得中而應乾便不並及以俟後人類推之耳

同人于野亨利涉大川利君子貞

彖曰柔得位得中而應乎乾曰同人同人曰

王弼曰所以能同人于野而利涉者

非二之所能也以乾行也故特加同人曰孔穎達曰同人曰猶言同人之卦曰也

同人于野亨利涉大

川乾行也文明以健中正而應君子正也惟君子爲能通天下之志

同人者同于人也獨陰不同于衆陽而反曰同人則以六二

之應九五初亦但同于衆陽而歷久而後應之

九五爻詞所以日後笑日

相遇故卦詞曰同人于野

初與二爲地道故稱野

野者衆處之地也而彖

則曰柔得位得中而應乎乾

九五爲六二應

應乎乾則所以同之者

祇此人也

繫詞稱二人同心

故是卦以二為主而六二之詞但曰同

人于衆與卦詞同而九五之應則曰先號咷而後笑蓋先違

而後遇之又曰大師克相遇與彖義同第是卦六二一自姤

推則在初一自夬推則在上故爻言同人凡四其在二與五

則正中相應其各稱同人固也初與上何與而亦曰同人若

曰以言乎推則此亦其可同者耳故初曰同人則不出門而

早已同之然而非相應者也上曰同人則肯同而今反違等

之在野汎汎然不我應也若夫九五曰相遇則儼以姤與之

矣曰師克則儼以夬夬之矣至于乾健中正則九五君子居

正而應雖坤應而實乾行焉故上卦坎位以純爻得見

說見乾卦

而離有伏坎復相背不解

離背爲錯坎

則卽此爻位原有川象况

姤夬未推則初上兩陰而夾中陽爲大坎大坎大川也今旣

推之則已滅坎象爲利涉矣反姤初之豕蹢姤初六羸豕蹢躅變夬

上之滅項夬上兌缺爲滅項此非應乎乾而乾行不至此故離中爲

志而乾行中正可以通天下之志焉

按石晉高祖以太原拒命廢帝遣兵圍之勢甚急命馬重績

筮之遇同人重績曰乾健而離明健者君之德明者南面而

嚮之所以治天下也同人者人所同也此其時將必有同我

者焉易曰戰乎乾乾西北也又曰相見乎離離南方也其同

我者自北而南乎乾九十月卦也此以卦位言乾西北卦位在九十月戰而勝

其九十月之交乎是歲九月契丹果助晉擊敗唐軍晉遂有

天下